



2. jan. 2017

Inatsisartuni suleriaasianni § 37 naapertorlugu Naalackersuisunut imaattumik apeqquteqarpugut.

Naalackersuisunut apeqqutit:

Dundas-imi saliisoqarnerani suut kemikaliat pinngortitamut akuuttussaangitsut poortuunneqariarlutik akuunneqarnikuuppat?

Qanoq sivisutigisumik akuutissat assigiinngitsut naatsorsuutigineqarsinnaappat navianannginnissaat?

Qaqugukkut akuutissat akuunneqartussaangitsut navianartunngorsinnaanissaat naatsorsuutigineqarsinnaappat? Ukiut qassit pineqarpat?

Navianartunngorsinnaasimappata akuutissat assigiinngitsut, tamanna pinaveersaaniarlugu naalackersuisut qanoq pilersaaruteqarpat?

Aningaasanik sillimasoqarpa ajutoortoqarsinnaanera piareersimaffiginiarlugu?

(Inatsisartuni ilaasortaq, Mala Høy Kuko, Atassut)

Tunngavilersuut:

Dundas-imi saliisoqarnikuuvoq, saliisoqanerani naatsorsuutaanngitsumik nunatsinni assaasoqariarluni matoorinissaq aalajangiiffigineqarnikuuvoq. Nunat allat inatsisaat tappiiffigineqarsimanerata kingunerisaanik.

Nunamut matoorinerup kingunerivaa kemikaliat assigiinngitsut sakkutooqarfimmi atorneqarsimasut ataatsimut nunamut matoorneqarsimanerat. Tamannalu paasissutigineqarnissaa ersarissumik paaserusullugu navianartuunnginnersoq apeqquteqaatigivara?

Kissaatigaara apeqqutikka suleriaaserput malillugu ullut qulit iluanni akineqarumaartut.